

**Javna ustanova Srednja ugostiteljsko-turistička škola
Public institution Secondary school of hospitality and tourism**

Broj: 01-3-46-2/21

Sarajevo, 01.02.2021. godine

U skladu sa Uputstvima Kriznog štaba Ministarstva zdravstva Kantona Sarajevo, u cilju suzbijanja epidemije virusa COVID 19 u Javnoj ustanovi Srednja ugostiteljsko- turistička škola Sarajevo, direktor ove Javne ustanove donosi:

**UPUTSTVO
O MJERAMA PREVENCIJE ŠIRENJA EPIDEMIJE VIRUSA COVID 19**

I - Ovim Uputstvom se utvrđuju mjere prevencije širenja epidemije virusa COVID 19 u Javnoj ustanovi Srednja ugostiteljsko-turistička škola Sarajevo.

II - Svi radnici Škole dužni su postupati i poduzimati aktivnosti u skladu sa ovim Uputstvom.

III - Radi prevencije širenja epidemije virusa COVID 19 među radnicima, učenicima, te trećim licima, u Školi, neophodno je preduzeti slijedeće higijensko-sanitarne i druge mjere:

- educirati i podsjećati na pravilno postupanje kod kihanja i kašljanja – koristiti papirnate maramice koje je potrebno nakon upotrebe baciti u kantu za smeće;
- podsticati na pranje ruku sapunom i vodom – što češće, posebno pri ulasku u Školu, te nakon kihanja i kašljanja;
- radnici, učenici i treća lica sa simptomima bolesti slične gripi ne smiju dolaziti u Školu (ostati kod kuće i javiti se liječniku);
- podsjetiti učenike, roditelje i radnike na potrebu da ostanu kod kuće još 24 sata nakon što je tjelesna temperatura pala na normalne vrijednosti, izbjegavati ili ograničiti kontakte s drugima;
- osobe sa simptomima gripe: temperatura, osjećaj vrućine, crvenilo lica, groznica i druge simptome gripe - bolovi u mišićima, glavobolja i kašalj, odvojiti od ostalih u posebno određen prostor, gdje će boraviti do odlaska kući (u slučaju teške kliničke slike – otežano disanje i kratkoća daha, bol ili pritisak u prsima ili trbuhu, iznenadna dezorijentacija u prostoru, konfuzija, teško povraćanje, odvesti u bolnicu);
- odgovorno lice će svakodnevno pratiti epidimiološku situaciju u Školi i o tome izvještavati nadležnu higijensko-epidemiološku službu.

IV - Radi prevencije širenja epidemije virusa COVID 19, radnici na održavanju higijene, pored redovnih poslova na održavanju higijene, dužni su poduzimati slijedeće mjere zaštite:

- osigurati sapun i jednokratne ubruse;
- osigurati kante za smeće za papirnate ubruse;
- provjetravati prostorije Škole više puta na dan;
- čistiti i sterilizovati sve radne površine;

- redovito čistiti (deterdžentima i sredstvima koja se inače koriste za čišćenje) površine i predmete koji se najčešće dodiruju rukama (površine stolova, kvake na vratima, tastature zajedničkih kompjutera i druge opreme, slavine i slično);
- dezinfikovati višekratne materijale (uniforme, stoljnaci, krpe);
- sigurno odlagati otpad.

V - Portiri i kućni majstor/domar obavezan je više puta dnevno, vršiti dezinfekciju i provjetravanje prostorija u zgradi Škole u ulici Dugi sokak broj 9 i u školskoj radionici hotel "Nacional" u ulici Alajbegovića broj 4 u Sarajevu.

VI - Radi prevencije širenja epidemije virusa COVID 19, nastavnici koji obavljaju praktičnu nastavu iz usluživanja, kuharstva i poslastičarstva, dužni su poduzimati slijedeće mjere zaštite:

- sterilizirati prostorije u kojima se hrana priprema, te pribor za pripremu, kuhanje i posluživanje hrane;
- prati posuđe deterdžentom i vrelom vodom;
- temeljito prati ruke prije ulaska u kabinet i prije diranja hrane;
- prikladno skladištiti hranu;
- primjereno zbrinjavati nekonzumiranu hranu i njezino pakovanje;
- redovno kontrolisati sanitarne knjižice.

VII - Radnica na radnom mjestu kafe-kuharica u školskom bifeu obavezna je poduzimati slijedeće mjere:

- redovno sterilizovati radne površine, prostore u kojima se čuvaju napitci i hrana, te pribor za pripremu i posluživanje;
- prati posuđe deterdžentom i vrelom vodom;
- temeljito prati ruke prije ulaska u školski bife i prije dodira sa inventarom;
- prati ruke prije i nakon diranja namirnica;
- prikladno zbrinjavati namirnice;
- podsticati druge na pranje ruku prije ulaska u školski bife;
- provjetravati školski bife više puta na dan;
- redovno raditi sanitarne preglede.

VIII - Ovo Uputstvo stupa na snagu danom donošenja i objavom na oglasnim pločama Škole.

IX - Uputstvo o mjerama prevencije virusa COVID 19 je privremenog karaktera i može se mijenjati i dopunjavati u skladu s epidemiološkom situacijom.

D I R E K T O R

Fatima Hodžić Omerović

Dostavljeno:

1. Radnici Škole - putem oglasne ploče x2
2. Arhiva.